

سنة لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولوق ایستینلر دائره عدلیه ده
اداره مخصوصه سنه
ایملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

تجربیات

محکمه تمیز باش مدعی عمومی عطفو قتلو جلال
بک افندی حضرتلرینک معارف نظارت بهیه سنه
تعیین بیورلمسینه مبنی آچیلان مذکور باش مدعی
عمومیلکه در سعادت استیناف مدعی عمومی عطفو قتلو
جمال بک افندی حضرتلری تعیین بیورلمشدر .

تبلیغات

حسن اغانک زراعندن مصطفی ذمتنده سلم طریقله
آلاجنی اولان اون بش کیل آستانی بقله و علفک تحصیلنه
دائر میخالیچ قضاسی بدایت محکمه سنندن ویریلان
اعلامک تنفیذینه لدی الابتدار بقله و علفک کی ذخائرک
موسم جبات و تسلیمی تموز و اغستوس آیلری اولوب
الیوم داخل قضاده صائش ایچون بو نوع ذخائرک
موجودی قالدینی بالاستعلام دائره بلدیه دن وارد
اولان مضبطه جوابیه دن آکلاشلمش و داین حسن
اغا ایسه محکوم به بقله نک بدله تحویلله نقداً تحصیلی
طلب ایتمکده بولنش ایسده بروجه محرر بقله و علفک
چارشو و بازارده بولنسی زمانی یالکز مذکور موسمه
منحصر و بهاجه اختلافی موجب تفاوتک مقایسه سی
دخی اوزمانه مقصور اولسندن طولانی مثلیاتدن
معدود اولوب اولیه جقلری مسئله سیله مسلم فیهک قضا
داخلنده انقطاعندن صکره مدعینک عقد سلمی فسخ
ایله رأس المالنی آلق و یاخود مسلم فیه اولان محصولک
زمان وجودینه انتظار ایتمک خصوصاً صرندده شرعاً
مخیر اولسنه نظراً مجله ده مندرج اولمیان بومشله نک
تطبیقده تردد اولدینی کی محکوم علیک یدنده بقله
و علف بولندینی و خارجدن دخی بالاشترا ویرمک
ایستمدیکی تقدیرده محکوم بهک عیناً و حبساً تحصیلی می
یوقسه محکوم به قیمت تقدیریه بدلاً استیفاسیمی لازم
کله جکی بیله مامکده اولدیغندن بخله استفسار معامله یه
دائر قضاء مذکور بدایت محکمه سی ریاستندن وارد
اولان تحریراته ، قانوناً مثلیاتدن معدود اولان بقله

و علفک صائش محللرنده انقطاع وجودی مثلیتی حقنده کی
حکم قانونی تغیریه سبب اوله میه جنی و مجله ده مندرج
اولمیان مسائله احکام فقهیه یه توفیق معامله ایدیه جکی
کی مثلیاتدن اولسی حبسیله مثلنک تحصیلنه حکم
اولنان برشیک عندالتنفیذ بدله تحویلی جائز اوله میه جفته
نظراً محکوم علیک بااعلام محکوم به آله جنی اولان بقله
و علفی خارجدن بالاشترا تسلیم وادایه مجبور بولنسیله
امتناعی حالنده اجرا قانونه توفیقاً حبس ایله تضییق
ایدلمسی لازم کله چکنک ریاست مذکوره یه تبلیغی خصوصی
انجمن عدلیه افاده سیله خداوندکار ولایتی استیناف
محکمه سی مدعی عمومیلکنه جواباً اشعار قلمشدر .

محاکمات متفرعات

رخستسز اوله رق بیانقو کشیده ایتمک ماده سنندن
دولای مطنون علیه اولان اسرانیلک برماه مدته
حبسنه و برلیرا جزای نقدی ایله محکومیتنه دائر کوه
ملجنه سنجانغی بدایت محکمه سی جزا دائره سنندن
ویریلان اعلامک تمیزی حقنده اعطا و محلی مدعی
عمومی معاونلکی طرفندن اسرا قلنان عرضحال ایله
اوراق متفرعه سی محکمه تمیز استدعا دائره سننجه
لدی التدقیق اعلام مذکورک بدایه ویریلوب قابل
استیناف اولدینی حالده استیناف دعوی ایدلمکسزین
تمیزاً تدقیق استدعا ایدلکی آکلاشلمش و مواد جزائییه
دائر ویریلان اعلاماتک تمیزی اصول محاکمات جزائییه
قانوننک اوچوز یکرمی ایکنجی ماده سی موجبسنجه
صوک درجه ده ویریلان حکمی حاوی و قطعی اولسیله
مشروط اولوب اعلام مذکور ایسه بوشرائطی جامع
اولدیغندن قابل تمیز بولنماش اولغله عرضحال مذکورک
بونقطه دن ردینه دائره مشارالیه اجه قرار ویرلمشدر .

ضرب ماده سنندن دولای مطنون علیها اولان
فاطمه قادینک جزای نقدی ایله محکومیتنه دائر ادرنه
استیناف محکمه سی جزا دائره سنندن غیباً اعطا قلنان
اعلامک تمیزی حقنده اعطا و محکمه مذکوره مدعی
عمومیلکنندن اسرا قلنان عرضحال ایله اوراق متفر-

عه سی محکمه تمیز استدعا دائره سننجه لدی التدقیق اعلام
مذکور قابل اعتراض اولدینی حالده اعتراض علی الحکم
مدتی منقضیه اولقسزین تمیزاً تدقیق استدعا ایدلکی
آکلاشلمش و بومشله اعلامات غایبیه نک مدت اعتراضی
کچمکسزین تمیزی قانوناً غیر جائز بولنش اولدیغندن
استدعا مذکورک بوجهندن ردینه قرار ویرلمشدر .

جمعه قضا سنک حسن اوبه قریه سنندن اسماعیلک قتل
قصیدیه جرحنندن دولای جنایتله اتهام اولنان آدم
بن حسین ایله اوغلی حسینک اوچرسنه مدتله کورکه
قونلرییه دائر سرفیجه سنجانغی بدایت محکمه سی جزا
دائرة سنندن ویریلان یوزاوتوز اوچ نومرولی اعلام
محکمه تمیز جزا دائره سننجه تصدیق اولنمشدر .

کره بنه قضا سنک ارمقس قریه سی اهالیسنندن
واسیل ولد نیقوله یورغولینک کیفیت قتلندن دولای
جنایتله متهم اولان قریه مذکورلدی دیمتری ولد طناش
نام دیکر طوشونک اون بش سنه مدتله کورکه قونلسنه
دائر سرفیجه سنجانغی بدایت محکمه سی جزا دائره سنندن
ویریلان بشیوز طقوز نومرولی اعلام محکمه تمیز جزا
دائرة سننجه تصدیق ایدلمشدر .

تیکوش قضا سنک واطشه قریه سی اهالیسنندن ایلو
ولد یانه راله نک لیلاً دکاتی آچهرق اشیا سنی سرقت
ومذکور دکاتی احراق ایتملرندن دولای جنایتله اتهام
ایدیلان قریه مزبورلدی قرسته ولد یانه وایلو ولد
میچونک دردر سنه مدتله کورکه قونلرییه دائر
سلانیک ولایتی استیناف محکمه سی جزا دائره سنندن اعطا
قلنان یکرمی نومرولی اعلام محکمه تمیز جزا دائره سننجه
تصدیق ایدلمشدر .

استانوفچه قریه سی اهالیسنندن سلیمان بن عابدک
کیفیت قتلندن دولای جنایتله متهم اولان قریه مذکورلدی
شعیب بن سلیمانک اون بش سنه مدتله کورکه قونلسنه
دائر پرشینه سنجانغی بدایت محکمه سی جزا دائره سنندن
ویریلان درتیوز اوتوز طقوز نومرولی اعلام محکمه
تمیز جزا دائره سننجه تصدیق ایدلمشدر .

و بوبادیه کی اعلامك عتبه علیای حضرت خلاقیناهی به عرض تقدیمه محكمه تمیز جزا دائره سنجیه قرار ویرلشدر .

در سعادت جنایت محكمه سندن اعطا قلنان

۳۰ تشرین اول سنه ۳۱۷ تاریخلی اعلامدر :

بیک اوچوز اون یدی سنه می شهر تموزینک یکرمجی جمعه کونی شله قضاسنه تابع یکی کوی یوقاری محله سنده خرمن موقعده محله مذکوره اهالیسندن متوفی و اسیل قزی قاترینه بیجا قله جرح و قتل ایلدیکی ادعاسیله مظنون علیه اولان مذکور یکی کوی اها- لیسندن و دولکر اصنافندن بکرمی اوچ یاشنده لاز آپوستول اوغلی نیقولانک جنایتله اتهامه دائر هیئت اتهامه دن تنظیم قلنان مضبطه ایله استیناف مدعی عمومیکلنک ۱۲ ایلول سنه ۳۱۷ تاریخ ۷۰۱ نو- مرولی اتهامه می اوراق متفرعه سیله برابر محكمه جنایتله تودیع قلنمغه بالمطالعاه تفصیلاتی اولباید طوتیلان ضبطنامه دن مستبان اوله جتی اوزره اصول محاکات جزائیه قانونک باب تائینک فصل رابعده محرر اولان معاملات ابتداییه بعد الا یفا تشرین اولک اون آلتنجی صالی کونی مته مرقوم علی الاصول توقیفخانه دن جلب ایله و یکی محكمه نزدنده مستخدم دعوی وکیللرندن استبان افندی و مدعی عمومی معا- ولرندن ادهم بك و مدعیه شخصیه، مقتوله قاترینه لك والده می حاضر اولدقاری حلاله محاکمه علیه به بالابتدار هیئت اتهامیه مضبطه سیله اتهامه ضبطکاتی عبدالصمد افندی به قرائت ایتریلدی .

مذکور مضبطه ده مظنون علیه نیقولانک و اسیل قزی قاترینه بیجا قله جرح و قتل ایلدیکی حقتده اوراق استنطاقیه ده مضبوط اقراری و شاهدلرک اخباری و معاینه راپوری مندرجاتی اتهامه کافی کورلش و حرکتی قانون جزانک یوز تیشنجی ماده می حکمی مستلزم افعال جنایتیه دن بولمش اولدیغندن جنایتله اتهامه قرار ویرلدیکی محرر و اتهامه ده دخی مضبطه مذکوره موجبجه اتهام ایلدیکی مسطر در .

اتهامنامه نك خلاصه می جانب ریاستندن مته مرقومه تفهیم و انبا و معاون موسی الیه جانندن تشریح دعوی اولنسنی معقب مته مرقوم سولتدرلرکده مقتوله دنلان قزك کندی نشانلیسی اولدیغی و مز- بوره ایله برکونه منازعه می، جرح و قتلنده دخی اولدیغی بیان ایلدی .

مستنطق حضورنده کی افاده می لدی التدیق کندیسی مزبوره قاترینه ایله نشانلانش اولدیغی حلاله هر نه سببه منی ایسه مزبوره نك والده می

ویردیکی نشانی اعاده ایدرک مناسبلری منقطع اولدیغی ایچون کویک خرمنلرند بولدیغی صرده ده اوراده طوبلائش اولان برطاق قزلر ایله مزبوره قاترینه نك حورا اوینادقاری کورمکه و اوآردلق فیلونك اوغلی دیمتری بانه بالورود کندوسنه خطاباً (قر سنی بیچون براقدی بن اولسه میچاقلم) دیرک کندوسنی استزایه باشلامغه کندوسیده دیمترنك قاربوز کسیدیکی بیجاغی آلدیغندن دیرک قزلر ایله اوینایه رق وکوله رك بانه کلان مزبوره بی سرخوشلق حالیه و افکار عاشقانه سیله اوردیغی افاده و اقرار ایلدیکنک آکلاشمسی اوزرینه اشبو اقرارینه قارشو نه دیه چکی صورلدقده بونلرک کافه می خلاف واقع اوله رق بازشلش و کندوسی او آردلق ضرب و تضییق ایلمش اولدیغی و فقط ضرب و تضییق اثبات ایدمه چکنی بیانه فعل مذکوره جرأتی انکار ایلدی .

مدعیه شخصیه نك ترکیه بیلمدیکی جهته کندوسنه بعدالتخلف لسان ترجمانی تعیین قلنان استیناف جنحه خدمه سندن اوتوز یاشنده راسم افندی بن ابراهیمک ترجمانغیله بوبایدکی معلومات و ادعای صورلدقده وقعه دن آتی آی مقدم مته نیقولا، قزی قاترینه ایله نشانلانش اولدقاری و اوزماندیری نشانلی بولندقاری حلاله مرقومک آده صره خانه لرینه کلدیکی کی وقعه کونی دخی کلرک باسقالیه اولق حسیله کلانله اکرام اولق اوزره قزیه راقی آدرمق ایستش ایسه ده قزی یعنی نشانلیسی قاترینه حواله سمع اعتبار اتما- مسندنشانی مرقوم کوجهرک و برمش اولدیغی نشانلری طلب ایتمسیله اعاده ایستدکاری و برآز صکره قزی قاترینه دیرک قزلر ایله خرمنلرده حورا اوینادقاری صرده مرقوم قزك آرقه سندن کیدرک بیجا قله ایکی محلدن جرح و قتل ایلدیکی و شمعی کندوسنك مدعیه بولندیغی سولیدی .

اشبو افاده قارشو نه دیه چکی مته نیقولادن صورلدقده کندوسی قزك خانه سنده بولمش ایسه ده راقی فلان اصبارلامدیغی و ذاتا کندوسی طرفندن کلانله اکرام ایتمک مجبوریتنده بولندیغی افاده ایلدی .

بنابرن ۲۰ تموز سنه ۳۱۷ تاریخلی ضابطه عدلیه تقرریله مقتوله قاترینه نك معاینه سنی حاوی راپور دخی او قوتدریلدی .

تقریرده بیک اوچوز اون یدی سنه می تموزینک یکرمجی کونی ساعت سکر راده لرنه یکی کوی یوقاری محله سنك خرمن نام محلدنه دیرک قزلر ایله برابر حورا اوینامقده بولان قودون اوغلی و اسیلک قزی قاترینه نك قریه مذکوره اهالیسندن قلاچی لاز آپوستول اوغلی نیقولا طرفندن بیجا قله صول بمه می اوزرندن جرح و قتل ایلدیکی خبر ویرلکه هان محل

یورکی به تبلیغات قانونیه اجرا ایلدیکی حلاله ورود ایلدیکی آکلاشمغه معاون موسی الیهک طلیله کندو- سندن یادم لیرا جزای نقدی استیفاسیله احضاراً جنبه قرار ویرلرک طرفیه تفهیم و اکمال محاکمه یوم آخره تعلیق قلدی .

(مابعدی که چک نسخه می)

بیک اوچوز اون درت سنه می مایسنک اون آلتنجی بازار کیجه می ساعت آتی قرارلرنده غلطه ده طر قازقاغنده انکتره دولتی تبعه سندن چوزه بونک قتلندن دولای مته بولان یونانی مرانغوز قوچونک مقدا بالحا که اون بش سنه مدله کورکه قونلشنه دائر ویرلان حکم وقراری حاوی اعلام بوکره محكمه تمیز جزا دائر سندن نقض اولنسی اوزرینه تکرار اجرا قلنان محاکمه نتیجه سنده مرقومک انای منازعه ده چوزه بونی بالهور جرح و قتل ایلدیکی مقتول مرقومک قبل الوفاة سبق ایلوب مضبوط بولان افاده می و شاهدلرک علی الدرجات واقع اولان شهادات و اخبارانی و معاینه راپوری مندرجاتی ایله ثابت اولدیغندن اول وجهه مجرمیته و قانون جزانک یوز تیش دردیجی ماده سنك فقره اولامی حکمنه توفیقاً اون بش سنه مدله کورکه قونلشنه محكمه جنایتله قرار ویرلشدر .

بیک اوچوز اون یدی سنه می اغستوسنك اون طفوزنجی کیجه می بحرسیه آچیلرلرده حسین قودانک سوار اولدیغی سفینه دروننده احمدی جرح و قتل ایلدیکی ادعاسیله مته بولان محمد بن علینک اجرا قلنان محاکمه می نتیجه سنده مرقوم محمدک انای مجادله ده باتهور احمدی جرح و قتل ایلدیکی کندوسنك اقراری و متوفای مر- قومک قبل الوفاة سبق ایدن افاده می و معاینه راپوری مندرجاتی ایله ثابت اولدیغندن اول وجهه مجرمیته و قانون جزانک یوز تیش دردیجی ماده سنك فقره اولامی حکمنه توفیقاً اون بش سنه مدله کورکه قونلشنه محكمه جنایتله قرار ویرلشدر .

بلاط قهوه چیلرندن یورکی ولد استاوروی نی جرح ایلدیکی ادعا قلنان رژی قاربهره می مرانغوزی قوچو ولد میخالک یکرمی کون و مرقوم قوچونی ضرب ایدن شارکوبلی دیمترنك برهفته حبسلرینه مجروحیته سببیت ویردیکی اصولاً ثابت اولان آراه می عباس بن حاجی محمدک برهفته حبسنه سیواسلی حسین بن محمودک یوسف اغایا بهنجوان سیدی ضرب ایلدیکی ثابت اولدیغندن برهفته حبسنه محله آرسنده روولور آلدیغی اصولاً ثابت اولان قابض مال بوسهلی حملی افندی دن برشلک جزای نقدی اخذیله یکرمی درت ساعت حبسنه

وقعه به کیدلش ایسه ده مرقوم نیقولانک فرار ایتمش وراپورده دخی مزبوره نك صول طرف کیکیله برنجی قابورغه کیکنک آرسنده بر بیجا ق باره می مشاهده اولنوب بالمعاینه اون ساتیمتره عقننده اولدیغنک و «لا تر فاردید» یعنی جان طمارنك قطع ایلمش و آق جکر نك دلنش اولسی آن واحده و فاته سببیت ویردیکنک آکلاشدیغی مندرجدر .

قرائت اولنان اوراق مندرجاته قارشو نه دیه چکی مته مهن صورلدقده قتل مذکور دن معلوماتی اولدیغی و کندوسی قاجیبو آلاچی اولان کونده لکبری المی اوزره انشته سته کیتدیکی و زیاده سیله سرخوش بو- لندیغی سولیدی .

مدعی عمومیک جانندن اعطا اولنان پوصاده اسماری محرر اولان شاهدلر دن شله قضاسنک یکی کوی یوقاری محله سندن قیصه حق فیلونك اوغلی اولوب جوانلق و باغچوانلق ایله اشتغال ایدن یکرمی یاشنده دیمتری ورود ایلدیکی خبر ویرلکه حضور محكمه به چقاریلرک لدی السؤل طرفینه قرایت و خصومت و مناسبی اولدیغی آکلاشدقندن و علی الاصول تخلفی اجرا قلدقندن صکره مواجهه استماع اولندیغنده وقعه کونی یکی کوی یوقاری محله سنك خرمن نام موقعده قزلر حورا اوینادقاری جهته کندوسیده قاربوز صائمک اوزره محل مذکور کیتدیکی و او صرده آپوستول اوغلی نیقولا کلرک و قاربوز مایعه ایدرک صومیق اوزره کندو بیجاغی آلدیغی و کندوسی اسپرونک قهوه خانه سته کیدرک ده قاربوز فروخت ایلدیکی ائشاده طیشاروده و وقعه کلان بر کورلری اوزرینه سببی صوردیغنده نیقولانک حورا اوینامقده بولان قزلر آرسنده کی نشانلیسی قاترینه بیجا قله جرح و قتل ایدرک فرار ایلدیکی ایشتدیکی و قاترینه نك مجروحاً وفات ایتمش اولدیغی کوردیکی افاده مضبوطه می وجهه اخبار ولدی الاستیضاح قزك مته نیقولا به فنا برشی سولیدیکی ایشتمدیکی و نیقولانک قره یاشدیغی کورمدیکی و حقتده شهادت ایلدیکی شخص حاضر بولان مته نیقولا اولدیغی تذکار ایلدی .

جرمده استعمال اولنوب اوراقیه برابر محكمه به کوندریلان بیجاق اولا مته اراه اولندقده طایندیغی و نایاً شاهد دیمتری به کوسرتلرکده کندی کوفه سندن قاربوز صومیق اوزره نیقولانک آتش اولدیغی بیجاق اولدیغی سولیدیلر .

بو شاهدک ذات و شهادته نه دیه چکی استفسار اولندقده بیجاق کندوسنك اولدیغدنشانی جرم واقعی کندوسنه اسناد ایلدیکی سولیدی .

ادعا شاهدلرندن فیاردی اوغلی استیلانوس ولد

تسبیحی علینک اوزون چارشوده مقیم محمد وحسنی ضرب ایلدیکی ثابت اولدیغندن برهفته حبسنه قاسم یاشاده مقیم یوان ولد انسطاشک افتادی ضرب ایلدیکی ثابت اولدیغندن اون کون حبسنه میخانه می یانینک جاملری قیردیغی آکلاشیلان غلطه می حسن رضا بن عتاندن اون بش بشلک جزای نقدی اخذیه

ساقیز اغاچنده ساکن اسکندرک ماری به اطاله لسان ایلدیکی تحقیق ایتمکندن مرقومدن برآلتون جزای نقدی اخذیه عبدالکریم افندی به حقارت و واسیل ایله یوده می دخی ضرب به جرات ایدن حال مصطفانک سکر آی حبسنه اسکدارده ساکن محمد و قانداق قنده ایحادیه زقاغنده مقیم اسماعیل اقدیلرک فرانسه دولتی تبعه سندن پترو نک اموال منقوله سته ایراث خسار ایلمکاری ثابت اولدیغندن مرقوماندن اوزر بشلک جزای نقدی اخذیه

غلطه ده قفسجی زقاغنده ساکن نسیم ولد میشلونک قاسم یاشاده چوبچیلر ایچنده مقیم پینرچی عثمانک مجروحیته سببیت ویردیکی و بلبل دره سنده ساکن یورکی ولد قوچونک دخی مرقوم نسیمی ضرب ایلدیکی آکلاشدیغندن بولر دن نسیمک اون کون و یورکینک برهفته حبسلرینه

حریق طلوبه می افرادندن شوکت بن علینک تقسیمده ساکن مناو حسنی نی جرح ایلدیکی ثابت اولدیغندن برهفته حبسنه

مته دیه فاطمه و خدیجیه نی ضرب و جرح ایدن طوبخانه ده قذرلر بقوشنده ساکن احمد افندی ایله زوج می قدریه خاندن ایکشر لیرا الهرق مضر و به لره اعطاسه

ساقیز اغاچنده ساکن فابرهجه می نیقولنک نقاش یورکی نی ضرب و جرح ایلدیکی ثابت اولدیغندن طفوز کون حبسنه

فرانسه دولتی تبعه سندن راسم موسیو شارلک بقال پوستولک اموال منقوله سته ایراث خسار ایلدیکی ثابت اولدیغندن موسی الیه دن اون بش بشلک جزای نقدی آلتسنه

ساقیز اغاچی جاده سنده مقیم ذخیره تیارندن یانینک استیجار ایستدکی خانه باجاسی قوروملری تطهیر ایستدر- میهرک اشتاتله سببیت ویردیکی تحقیق ایتمکندن منع حریق نظامنامه می حکمنه توفیقاً مرقومدن اوچ مجیدیه جزای نقدی البوب حریق اعانه قومیسینونه اعطاسه

سر سربلکی تبیین ایدن قوری چایی ابوزر نام شخصک برماه حبسنه و ختام مدتنده ضابطه جه تسبیب اوله جق محله طرد و تبعیدیه

حویه قضاسی اهالیسندن قوچ علی اوغلی مصطفی افندی به قتل قصدیه تشهر سلاح ایلسندن دولای جنایتله اتهام اولنان حسن بن حسینک اوچ سنه مدله کورکه قونلشنه دائر لازستان سنجانی بدایت محكمه می جزا دائره سندن ویرلان الی بش نومرو لی اعلام محكمه تمیز جزا دائره سنجیه تصدیق ایلمشدر .

وودینه قضاسنه تابع قره جه آباد ناحیه می ویرکو کاتی علی اقدینک خدومی قوزی افندی نی قتل ایتمسندن دولای جنایتله اتهام اولنان بور بودیشته قریه می اهالیسندن حسینک اون بش سنه مدله کورکه قونلشنه دائر سلا نیک ولایتی استیناف محكمه می جزا دائره سندن اعطا قلنان د: یوز سکران یدی نومرو لی اعلام محكمه تمیز جزا دائره سنجیه تصدیق ایلمشدر .

این اوکی ناحیه سنك کوتوک اوشانی قریه سندن امینه بنت سلیمانی قتل ایتمسندن دولای جنایتله اتهام اولنان مقتوله مزبوره نك برادری بکناشک اون بش سنه مدله کورکه قونلشنه دائر قونییه ولایتی استیناف محكمه می جزا دائره سندن اعطا قلنان یوز اوتوز نومرو لی اعلام محكمه تمیز جزا دائره سنجیه تصدیق اولمشدر .

اربعه قضاسنه تابع فدی قریه سندن مصطفی چاوشی تهدید و اوغلی بکر ایله مصطفی بن حسین جرح ایتمسندن دولای جنایتله مته اولان قریه مذکوره اهالیسندن چوچی اوغلی عمرک درت سنه مدله کورکه قونلشنه دائر توقاد سنجانی بدایت محكمه می جزا دائره سندن ویرلان یوز اون ایکی نومرو لی اعلام محكمه تمیز جزا دائره سنجیه تصدیق ایلمشدر .

اوده مشک کیجه قریه سندن زیبک علی اوغلی حسنک خانه سنی باصره ق کندوسی جرح ایتمارندن دولای جنایتله اتهام اولنان چوبان اوغلی اسماعیل بن محمد و حاجی شالی اوغلی علینک اوچر سنه مدله کورکه قونلرینه دائر آیدن ولایتی استیناف محكمه می جزا دائره سندن ویرلان یوز قرق طفوز نومرو لی اعلام محكمه تمیز جزا دائره سنجیه تصدیق ایلمشدر .

برات سنجاغنه تابع چقراق قریه سندن عثمان بن احمدک خانه سته قونداق وضعیله احراق و درون خانه دن چقان خانه صاحبی مرقوم عثمانی و اوغلی ایله کریمه می رقیه نی قتل واستمداد لری اوزرینه کلان قومشوسی اسماعیل جرح ایستدکاری اداسندن دولای جنایتله اتهام اولنان رمضان و داود و عزیز سلیمان و لبقونک اعدا ملرینه دائر لواء مذکور بدایت محكمه می جزا دائره سندن اعطا قلنان یوز قرق آتی نومرو لی اعلامك تصدیقنه

قورجی قومپانیه سی خدمتکارلرندن یراسیمونک قره کویده قصاب اندونک ایکی یوز غروشلوق لحنی طولاندیردینی ثابت اولدیغندن اوچ ماه حبسیله برلیرا جزای تقدی اخذینه

قاسم پاشاده ساکن محمد فوآدک، دیمترینک ساعتی سرقت ایلدیکی اکلاشیلدیغندن اوچ ماه حبسنه وختام مدتده ضابطهجه کفالتیه ربطته ومسروق ساعتک صاحبیه اعاده وتسلیمیه درسعادت وبک اوغلی بدایت محاکمی جزا دائره لرینجه قرار ویرلمشدر.

مُجَازَاتُ اَنْبِیَاءِ هِیْه

داری دره قضاسی نأبی وبدایت محکمه سی رئیس سلیمان سری ومستطق معاونی وافی افندیلرله مدعی عمومی معاونی وکیلک مواد معینه ده خلاف قانون معاملات ایله وظیفه مأموریتلرینی سوء استعمال ایلدکلری ادرنه ولایتی استیناف محکمه سی مدعی عمومی لکنجه اجرا قانان تحقیقاتی متضمن اوراق مندرجاتندن اکلاشلمغله مومی الیهک محاکمه آلتیه التلرینه مأذونیت ویریلهرک مذکور مدعی عمومی لکه تبلیغات مقتضیه ایفا ونائب مومی الیهک کیفیت محاکمه سندن طرف سامی حضرت مشیختنهاییه ده معلومات اعطا ایدلمشدر.

اِخْلَافَاتُ

تجارت بحریه محکمه سنده :

تجارت بحریه محکمه سندن اولجه افلاسنه حکم ایدلمش اولان مارپوشجیلرده خردوالتی راق هیلهک خصوصات افلاسیه سنک رؤیت وتسویه سی ضمنتده دعوی وکیلرندن حیاتی افندی اصالة سندیک تعیین قلمش اولدیغندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی نیسانک اون سکنزنجی پنجشنبه ویکرمنجی جمعه ایرتسی ویکرمی ایکنجی بازار ایرتسی کونلرنده تجارت بحریه محکمه سنک افلاس اوطنه سنه کلهرک سندیک افندی مواجهه سنده آله جقلرینی اثبات وقید وتصدیق ایتدیرملری ومدت مذکوره ده اثبات وجود ایدیه میان آله جقلیلر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور.

ایکنجی محکمه تجارنده :

ایکنجی محکمه تجارتدن مقدمافلاسنه حکم اولنان آلاجه حمام جوارنده تحمیش زقاغنده طاووقی صوطیری وشریکی وانکلک خصوصات افلاسیه سنک رؤیت وتسویه سی ضمنتده دعوی وکیللرندن بدوساکی کر باکیدی افندی اصالة سندیک تعیین قلمش اولدیغندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی نیسانک اون آلتینجی صالی، اون یدنجی چهارشنبه و اون سکنزنجی پنجشنبه کونلرنده ایکنجی محکمه تجارتک افلاس اوطنه سنه کلهرک سندیک افندی مواجهه سنده آله جقلرینی اثبات وقید وتصدیق ایتدیرملری ومدت مذکوره ده اثبات وجود ایدیه میان آله جقلیلر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور.

قدیللی وقوزغنجقده فرولرده ساکن فرونجی اصنافندن آندریا وبرادری کریاقونک ۲۸ مارت سنه ۳۱۸ تاریخندن اعتباراً افلاسنه ومعاملات افلاسیه نک ایفاسی ضمنتده اعضای محکمه دن سعادت لورضابکک ژوژ قومیسر ودعوی وکیللرندن سلیم حسنی ویورداناکی خره لمیدیس افدیلرک موقت سندیک تعیینلرینه ومفلس مرقومانک تجارتکاهلرینک تمهیریه کندی وفامالیلرینه الزم قسمنک تقریقندن صکره متباقی اشیای بیتیه لرینک ثبت دفتر ایدیلهرک محافظه سنه واشبوقرارک موقتاً اجراسنه درسعادت ایکنجی تجارت محکمه سندن قرار ویرلدیکی جهته قانوننامه تجارتک ۱۷۰ نجی ماده سی موجبجه مفلس مرقومان ذمتنده آله جنی اولنلرک موقت سندیکلرک اصلته تحویلی ویاخود یکیدن سندیک انتخاب وتعیینی حقنده مومی الیه ژوژ قومیسر بک ایله استشاره اولنق اوزره اشبو ۳۱۸ سنه سی نیسانک اون برنجی پنجشنبه کونی ایکنجی تجارت محکمه سنک افلاس اوطنه سنه کلری اعلان اولنور.

اونیون فرانسه ز اتصالنده کائن « اوتل انترنال-سیونال » مستأجری آورام مارقوسک ۳۰ مارت سنه ۳۱۸ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمنتده اعضای محکمه دن فضیلتلو نجم الدین بکک ژوژ قومیسر وادرنه لی شکیب افدینک موقت سندیک تعیینلرینه ومستأجر مرقومک اوتلنده وخانه سنده کی اشیای زانده بیتیه سنک تمهیرینه واوراق ودفاترینک جلبیه وبوباده کی قرارک موقتاً اجراسنه ایکنجی محکمه تجارتجه قرار ویرلمش اولدیغندن

قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره (۱۵ نیسان سنه ۳۱۸) بازار ایرتسی کونی ساعت التی راده لرنده اصحاب مطلوبک محکمه مذکوره نک افلاس اوطنه سنه کلری لزومی اعلان اولنور.

مناظره بدایت محکمه سی اجراء دائره سنده :

ارنبود قریه لی میخال اوغلی مانولک مرتضی اوغلی محمود افندییه بااعلام محکوم اولدینی مبالغ معلومه نک تأمین استیفاسی ایچون مدیون مرقومک قریه مذکوره ده واقع متصرف اولدینی محجوز برباب دکانی عندالمزایده سکنز یوز اوتوز غروش بدل ایله طالبی عهده سنده تقرر ایلش اولمغله مذکور بدل مقرر اوزرینه یوزده بش ضم ایله طالب اولانلرک حتاجله بدایت محکمه سی اجراء دائره سنه مراجعتلری لزومی اعلان اولنور.

مید قضاسی بدایت محکمه سی اجراء دائره سنده :

شیه قصبه سنک حصار محله سندن متوفی اتمکچی یانینک اوغلی دیمترینک قصبه مذکوره نک چاوش محله سندن اوروج اوغلی مصطفی چاوش ذمتنده کی مطلوبات محکوم بهاسنک تأمین استیفاسی ضمنتده مدیون مرقومک عهده تصرفنده اولوب محجوز بولنان محله مذکوره نک حاجی پاشا چشمه سی موقعنده شرفاً صالحی زاده حافظ محمد افندی باغی وغرباً بربر محمد باغی وشمالاً بورجی حسن رئیس باغی وجنوباً ایلیا باغی ایله محدود درت حصه دن اوچ حصه برقطعه ده بردونم باغک تاریخ اعلاندن اعتباراً اون بش کون صکره بالمزایده فروخته تشبث اولنه جنی شیه اجرا مأمورلغندن اعلان اولنور

شیه قضاسندن اطه لی زاده حافظ مصطفی افندی وزوجه سنک قضای مذکورک آقچه کیسه قریه سندن حسن بک ومتوفی عبدی بک ورثه سی ذمتلرنده کی مطلوبات محکوم بهالرینک تأمین استیفاسی ضمنتده مدیون مرقومونک عهده سنده اولوب حجز وفروختی قرار-لشدریلان قریه مذکوره ده کائن معلوم الحدود زمینی جامع شریفه مشروطه برباب نصف قهوه خانه نک ابنیه سی بالمزایده مجیدی یکریمی غروش حسابیه بیک غروش بدل ایله طالبی عهده سنده تقرر ایدرک موقتاً قرار داده سی کشیده قلمش اولدیغندن یوزده بش ضمیله طالب اولنلرک پی آقچه لرله برابر اوتوز برکون ظرفده محلی اجراء دائره سنه مراجعت ایللری اعلان اولنور